



SESIÓN EXTRAORDINARIA DA XUNTA DE GOBERNO LOCAL CELEBRADA O DÍA 30 DE ABRIL DE 2015.-

ÍNDICE DE PUNTOS

PUNTO PRIMEIRO.- APROBACIÓN DA XUSTIFICACIÓN E ACHEGAS DAS SUBVENCIÓNS PARA PROMOCIÓN DO COMERCIO NO CONCELLO DE AMES PARA O ANO 2014.-	3
PUNTO SEGUNDO.- TERMINACIÓN DO PROCEDEMENTO DE COMPROBACIÓN LIMITADA CORRESPONDENTE Á TAXA POR ACTIVIDADES E SERVIZOS RELACIONADOS COA HIXIENE URBANA.	4
PUNTO TERCEIRO.- LICENZA DE PARCELACIÓN.-	4
PUNTO CUARTO.- LICENZA DE APERTURA DE ACTIVIDADE.-	5
PUNTO QUINTO.- LICENZA DE OBRA MAIOR.-	5
PUNTO SEXTO.- ADXUDICACIÓN DO PROCEDEMENTO NEGOCIADO SEN PUBLICIDADE DAS OBRAS DE REPARACIÓN RÚA DO PEDREGAL A ROTONDA POETA DA MAÍA (BERTAMIRÁNS)" INCLUÍDA NO DTC 93.-	9
PUNTO SÉTIMO.- ADXUDICACIÓN DO PROCEDEMENTO ABERTO PARA A ADXUDICACIÓN DA SUBMINISTRACIÓN DE COMBUSTIBLE PARA OS VEHÍCULOS E MAQUINARIA DO CONCELLO DE AMES.-	10

SESIÓN EXTRAORDINARIA DA XUNTA DE GOBERNO LOCAL CELEBRADA O DÍA 30 DE ABRIL DE 2015.-

Na Casa Consistorial de Ames, sendo as catorce horas (14:00 h) do día trinta (30) de abril de dous mil quince (2015), reúnese a Xunta de Goberno Local deste Concello en sesión extraordinaria de primeira convocatoria, baixo a Presidencia do alcalde, Santiago V. Amor Barreiro, e coa asistencia dos tenentes de alcalde, Alfredo Taboada Alvelo, Ana Ruso Valiña e Ramón Senra Ríos.

Asiste a tesoureira, M^a Belén Rodríguez Tourón.

Asiste o interventor José Antonio Rueda Valenzuela.

Actúa de secretaria a titular Rosa Ana Prada Queipo.

PUNTO PRIMEIRO.- APROBACIÓN DA XUSTIFICACIÓN E ACHEGAS DAS SUBVENCÍONS PARA PROMOCIÓN DO COMERCIO NO CONCELLO DE AMES PARA O ANO 2014.-

A Xunta de Goberno Local de 6 de novembro de 2014 deu aprobación ás bases da Convocatoria de Subvencións para Promoción do Comercio no Concello de Ames para o ano 2014 (BOP 229 de 28 de novembro de 2014).

Presentadas as correspondentes solicitudes, con data 25 de marzo de 2015 reúnese a comisión avaliadora que fai a correspondente proposta de aprobación do reparto de achegas.

A vista da documentación xustificativa presentada, a Xunta de Goberno Local, por unanimidade dos seus membros presentes e previa delegación da alcaldía (decreto 751/2011) adopta os seguintes acordos:

Primeiro.- Aprobar as achegas correspondentes a convocatoria de subvencións para a promoción de actividade comercial no Concello de Ames, exercicio 2014, segundo o seguinte cadro resumo:

Orzamento PROMOCIÓN	19.000,00 €				
	ACB	AEMI	AEPNM	PALMIRA	
PUNTUACIÓN	62,5	72	50	55	
Coefficiente de financiamento segundo bases	60,00%	60,00%	50,00%	50,00 €	
ORZAMENTO declarado	24.504,00 €	6.876,00 €	14.868,00 €	3.493,00 €	
Achega máxima (80%)	19.603,20 €	5.500,80 €	11.894,40 €	2.794,40 €	
PROPOSTA SUBVENCIÓN	7.809,25 €	3.469,80 €	6.252,27 €	1.468,68 €	19.000,00 €
Orzamento INFRAESTRUTURAS	6.000,00 €				
	ACB	AEMI	AEPNM	PALMIRA	
PUNTUACIÓN	45	62	40	55	
Coefficiente de financiamento segundo bases	40,00%	60,00%	40,00%	50,00%	
ORZAMENTO declarado	3.472,00 €	795,00 €	912,00 €	4.283,00 €	
Achega máxima (80%)	2.777,60 €	636,00 €	729,60 €	3.426,40 €	
PROPOSTA SUBVENCIÓN	1.190,75 €	477,00 €	364,94 €	2.141,50 €	4.174,19 €
PROPOSTA SUBVENCIÓN TOTAL	ACB	AEMI	AEPNM	PALMIRA	
Proposta de subvención					

Actividade de promoción comercial	7.809,25 €	3.469,80 €	6.252,27 €	1.468,68 €	TOTAL
Investimento	1.190,75 €	477,00 €	364,94 €	2.141,50 €	
	9.000,00 €	3.946,80 €	6.617,21 €	3.610,18 €	23.174,19 €
ORZAMENTO declarado	27.976,00 €	7.671,00 €	15.780,00€	7.776,00 €	59.203,00 €
				Remanente	1.825,81 €

Segundo.- Dar traslado do presente acordo aos interesados e aos departamentos municipais afectados.

Terceiro.- Facultar ao señor alcalde para cantas actuacións de trámite sexan precisas para a mellor execución do acordado.

PUNTO SEGUNDO.- TERMINACIÓN DO PROCEDEMENTO DE COMPROBACIÓN LIMITADA CORRESPONDENTE Á TAXA POR ACTIVIDADES E SERVIZOS RELACIONADOS COA HIXIENE URBANA.

Á vista dos informes da Tesouraría municipal obrantes nos correspondentes expedientes, termínanse 28 procedementos de comprobación limitada correspondentes á taxa por actividades e servizos relacionados coa hixiene urbana, aprobándose por unanimidade dos membros presentes, as propostas de resolución contidas nos informes da Tesouraría municipal procedendo, no seu caso, á estimación/desestimación das alegacións, aprobación cando procede das liquidacións provisionais e incorporación, cando procede, no censo tributario da taxa pola por actividades e servizos relacionados coa hixiene urbana.

Os 28 expedientes son terminados na forma establecida nos I anexos da presente acta.

PUNTO TERCEIRO.- LICENZA DE PARCELACIÓN.-

1.- Expediente

Dáse conta da solicitude presentada pola SOLICITANTE, co NIF XXX, para a agrupación e simultánea parcelación do enderezo dos planos de concentración parcelaria , (parcelas coas referencias catastrais números XXX), situadas no enderezo XXX.

A parcela cuxa agrupación e simultánea parcelación se pretende está cualificada segundo o PXOM como solo de núcleo rural disperso e rústico de protección forestal e de cuncas.

A arquitecta municipal emite informe en sentido favorable ao solicitado o día 23 de marzo de 2015.

A asesora xurídica de urbanismo emite informe en sentido favorable ao solicitado o día 7 de abril de 2015.

Vistos os informes técnico e xurídico favorables obrantes no expediente, a Xunta de Goberno Local por unanimidade dos seus membros presentes, previa delegación da Alcaldía (decreto 751/2011), adopta os seguintes acordos:

Primeiro: Conceder, salvo o dereito de propiedade e sen prexuízo do de terceiro, a **SOLICITANTE**, co NIF **XXX**, licenza de parcelación da finca número **XXX** do polígono **XXX** dos planos de concentración parcelaria do enderezo, (parcelas coas referencias catastrais números **XXX**), situadas no enderezo, en tres novas parcelas, segundo o documento técnico redactado polo enxeñeiro técnico en topografía **ENXEÑEIRO**, (colexiado número **XXX**) e o informe subscrito pola arquitecta municipal, e cuxa descrición das fincas de resultado é a seguinte:

Parcelas de resultado	Superficie bruta	Cualificación polo PXOM
Parcela A (resto de finca matriz)	4.701,90m ²	Solo rústico de protección de cauces
Parcela B	1.007,86m ²	Núcleo rural disperso.
Parcela C	1.005,01m ²	Núcleo rural disperso
Totais	6.714,77m ²	

Segundo: Condicionar a devandita licenza de agrupación e simultánea parcelación en solo de núcleo rural e de división en solo rústico a presentación dun compromiso expreso (subscrito

por todas as propietarias da parcela de orixe) de non edificar a parcela de resultado “A” clasificada como solo rústico, facendo tamén constancia expresa no rexistro da propiedade da referida condición de inedificabilidade.

Terceiro: Formalizárase ante o Catastro Inmobiliario a declaración conducente a incorporación no mesmo da modificación do inmovible derivada da actuación para a que se outorga a presente licenza.

Cuarto: Facultar ao Sr. Alcalde para cantas actuacións de trámite sexan precisas para a mellor execución do acordado.

PUNTO CUARTO.- LICENZA DE APERTURA DE ACTIVIDADE.-

A Xunta de Goberno Local na súa sesión celebrada o 22 de marzo de 2006, concédelle a SOLICITANTE, co NIF XXX, licenza de instalación de actividade e licenza de obra para a reforma dun baixo comercial con destino a centro de ocio infantil (número identificativo da actividade 2.2.1.) – epígrafe fiscal 981.2- situado no enderezo XXX.

O 4 de marzo de 2015 o arquitecto técnico municipal don, emite informe onde conclúe que *“Logo do tempo transcorrido enténdese que se pode autorizar (outorgar) a licenza definitiva da actividade de OCIO INFANTIL, para o cal se ten realizado a visita de inspección o 16 de xaneiro do 2015, axustándose as obras ao proxecto e documentación técnica presentada, contando coas instalacións apropiadas para o exercicio da mesma”*

O 8 de abril de 2015 a asesora xurídica de urbanismo emite informe favorable.

Vistos os informes técnico e xurídico favorables obrantes no expediente, a Xunta de Goberno Local por unanimidade dos seus membros presentes, previa delegación da Alcaldía (decreto 751/2011), adopta os seguintes acordos:

Primeiro: Conceder a SOLICITANTE, co NIF XXX, licenza de apertura de actividade de CENTRO DE OCIO INFANTIL, (número identificativo da actividade 2.2.1.), a desenvolver no local comercial número 3 do enderezo, debendo cumprir durante o seu desenvolvemento tanto as condicións especificadas na licenza de instalación da actividade, como a normativa relativa a este tipo de establecementos.

Segundo: Notifíquese aos interesados no procedemento.

Terceiro: Facultar ao Sr. Alcalde para cantas actuacións de trámite sexan precisas para a mellor execución do acordado.

PUNTO QUINTO.- LICENZA DE OBRA MAIOR.-

Polo señor presidente dáse conta á Xunta de Goberno Local da seguinte solicitude de licenza de obra maior e dos seus respectivos informes favorables, técnico e xurídico, que obran no expediente da súa razón.

Comprobando que cumpren co establecido nos art. 194 e seguintes da Lei 9/2002, de 30 de decembro, de ordenación urbanística e protección do medio rural de Galicia, (LOUGA) e co Plan Xeral de Ordenación Municipal do Concello de Ames, a Xunta de Goberno Local, previa delegación do alcalde polo Decreto 751/2011, por unanimidade dos seus membros, acorda concede-las seguintes licenzas de obras, deixando a salvo o dereito de propiedade e sen prexuízo de terceiro.

En relación aos prazos para execución das obras, o prazo de iniciación das obras non poderá exceder de seis meses e o de terminación de tres anos, contados desde a data de notificación do outorgamento da licenza non podendo interromperse as obras por tempo superior a 6 meses. No caso de incumprimento dos prazos citados procederase á incoación do expediente para a declaración de caducidade da licenza. O Concello poderá conceder prórroga dos referidos prazos por unha soa vez e por un novo prazo non superior a seis meses logo da solicitude expresa formulada antes da conclusión dos prazos. A obtención da prórroga do prazo para comezar as obras non comporta a prórroga do prazo de terminación daquelas.

Deberanse cumprir tanto as condicións específicas como as xerais que se fan figurar na notificación da concesión da licenza.

1.- A solicitada por SOLICITANTE, co NIF XXX, para a construción dunha vivenda unifamiliar e edificación auxiliar, no enderezo coa referencia catastral número XXX, outorgada pola Xunta

de Goberno Local na sesión celebrada na data do 05 de xuño de 2014, no enderezo XXX.

Expediente nº XXX

A arquitecta municipal, Marta Bellas Rodríguez, emite informe en sentido favorable na data do 7 de abril de 2015.

A asesora xurídica de urbanismo, Susana Ares Gómez, emite informe en sentido favorable na data do 22 de abril de 2015.

Cualificación do solo segundo PXOM : Núcleo rural disperso.

- O presuposto segundo o proxecto é de 93.831,54 euros.
- O presuposto segundo informe da arquitecta municipal: 126.328,05 euros.

En aplicación da ordenanza fiscal reguladora da taxa pola expedición de licenzas urbanísticas e pola expedición e subministro de cartel de obra aboáronse as taxas por un importe de 311,22 euros.

Descrición das obras:

Vivenda unifamiliar aislada e construción auxiliar para usos non vivideiros (garaxe e tendedeiro) cunha superficie construída de 272,10 m².

Vistos os informes técnico e xurídico favorables obrantes no expediente que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (Decreto 751/2011), acorda:

Primeiro.- Conceder, salvo o dereito de propiedade e sen prexuízo do de terceiro, a licenza de obra maior solicitada pola SOLICITANTE, co NIF XXX para a construción dunha vivenda unifamiliar e edificación auxiliar, na parcela XXX resultante da parcelación da finca coa referencia catastral número XXX, outorgada pola Xunta de Goberno Local na sesión celebrada na data do 05 de xuño de 2014, situada no enderezo segundo o proxecto redactado polas arquitectas (colexiada número XXX) , (colexiada número XXX).

Segundo.- A eficacia da licenza concedida quedará supeditada ao cumprimento das seguintes condicións:

Antes do inicio das obras:

- Presentarase aval ou fianza pola cantidade de dous mil seiscientos euros (2.600,00 €) como garantía da reposición de danos na vía, conexión a servizos e correcta execución do fronte.

• As sinaladas no informe da arquitecta municipal:

- Antes do inicio das obras presentarán proxecto de execución en coherencia co proxecto básico e o estudo básico de seguridade e saúde e oficios de nomeamento de director de obra, de director de execución de obra, de coordinador de seguridade e saúde e certificación enerxética de proxecto, documentos todos eles visados polos colexios profesionais correspondentes.

- Conectará cos servizos de saneamento e auga potable (sen conectar pluviais coas fecais) e acondicionará a ampliación de vía para o uso público no proxecto de execución, recuará a liña aérea ó fronte, no seu caso, e reporá os elementos deteriorados. Neste caso, pola configuración do fronte prevese a retirada do valado preexistente respectando a súa base de pedra coma elemento etnográfico do núcleo rural en coherencia co o exposto na LOUGA, resultando unha bancada de separación entre a calzada rodada e a nova franxa peonil que xurde do recuamento pola banda de cesión.

- Non se prevé definición de novo peche da finca que será obxecto de solicitude independente.

- Non se alterará a rasante natural do terreo nos lindes da parcela e calquera escavación ou movemento de terras preto no linde que proxecte a contención correspondente (edificacións auxiliares en virtude do PXOM, accesos ou patios ao soto, por exemplo) será executado por bataches ou método asimilable garante de que non se produza o mínimo derrube na parcela colindante e, no seu caso, non condicionará as condicións de execución do peche do colindante.

- A obra deberá axustarse ao proxecto en base ao cal se lle outorga a licenza.

- Cando o director dunha obra deixe de actuar nela poñeralo en coñecemento do Concello

- O propietario está obrigado a nomear e comunicar por escrito ao Concello novo facultativo director da obra.

- En todos os casos disporase, a pé de obra, de copia autorizada da licenza municipal e do proxecto.

- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública. Escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.

- Ao remate das obras o propietario porao en coñecemento do Concello co certificado final de obra visado e asinado polos técnicos directores da obra. Non se concederá alta definitiva nos servizos municipais mentres non se teña obtido a pertinente licenza de primeira ocupación.

- Colocarase o cartel indicador de obra nun lugar visible dende o exterior.

- As sinaladas no informe da asesora xurídica de urbanismo:

- Haberá un valo de protección de ao menos dous metros de altura, constituído por materiais que ofrezan seguridade, conservación e bo aspecto, situado á distancia que sinalen os servizos técnicos de urbanismo do Concello. En calquera caso permitirase o paso de peóns. No caso de que, por imposibilidade manifesta, non se poda deixar libre a zona de beirarrúa, instalárase una nova con materiais resistentes, co piso elevado do pavimento existente, cunha rampla de acceso e baixada, varandas de protección, viseira pola parte superior e sinalización lumínica e visual en ámbolos dous extremos que garantan a seguridade dos peóns. Poñeranse luces de sinalización en cada ángulo do valo. A instalación é provisional durante o tempo que duren as obras, debéndose suprimir e deixar a beirarrúa libre e en condicións no caso de paralización destas por un período superior a seis meses.

- Os condutores de camións e os responsables das obras deberán coidar de que as rodas dos mesmos estean limpas de barro antes de acceder a vía pública, así como que a citada vía quede limpa. Así mesmo deberán adoptar as medidas pertinentes relativas a seguridade vial previstas nas normas de circulación e aquelas que no seu caso lle foran ordenadas polos axentes da autoridade.

- Terase a disposición do persoal do Concello exemplares dos planos selados e aprobados, así como da licenza expedida.

Terceiro.- Aprobar a liquidación provisional do imposto sobre construcións, instalacións e obras, que ascende á cantidade de dous mil cincocentos vinte e seis con cincuenta e seis euros (2.526,56 euros).

2.- A solicitada polo SOLICITANTE, co NIF XXX, para a rehabilitación e ampliación dunha vivenda unifamiliar localizada na parcela coa referencia catastral número XXX, situada no enderezo.

Expediente nº XXX

A arquitecta municipal, emite informe en sentido favorable na data do 15 de abril de 2015.

A asesora xurídica de urbanismo, emite informe en sentido favorable na data do 22 de abril de 2015.

Cualificación do solo segundo PXOM : Núcleo rural tradicional.

- O presuposto segundo o proxecto é de 107.157,83 euros.

En aplicación da ordenanza fiscal reguladora da taxa pola expedición de licenzas urbanísticas e pola expedición e subministro de cartel de obra aboáronse as taxas por un importe de 224,52 euros.

Descrición das obras:

Rehabilitación integral e ampliación dunha vivenda unifamiliar tradicional aislada en planta baixa e baixo cuberta de 124,00 m² (83m² en planta baixa e 41 m² no baixo cuberta). Superficie total rehabilitación e ampliación 218,25 m².

Vistos os informes técnico e xurídico favorables obrantes no expediente que propoñen a concesión da licenza solicitada, a Xunta de Goberno Local por unanimidade dos seus membros

presentes, e previa delegación da Alcaldía (Decreto 751/2011), acorda:

Primeiro.- Conceder, salvo o dereito de propiedade e sen prexuízo do de terceiro, a licenza de obra maior solicitada polo SOLICITANTE, co NIF XXX, para a rehabilitación integral e ampliación dunha vivenda unifamiliar tradicional aislada localizada na parcela coa referencia catastral número XXX, situada no enderezo segundo o proxecto redactado polo arquitecto ARQUITECTO (colexiado número XXX).

Segundo.- A eficacia da licenza concedida quedará supeditada ao cumprimento das seguintes condicións:

- As sinaladas no informe da arquitecta municipal:
 - Conectará cos servizos de saneamento e auga potable (sen conectar augas pluviais coas fecais) e reporá e acondicionará o deteriorado segundo o entorno.
 - O proxecto mantén o peche de pedra perimetral existente, que conforma una corredoiro tradicional segundo establece a LOUGA polo que non se prevén cesións para ampliación de vías.
 - A obra deberá axustarse ao proxecto en base ao cal se lle outorga a licenza.
 - Cando o director dunha obra deixe de actuar nela poñeralo en coñecemento do Concello. O propietario está obrigado a nomear e comunicar por escrito ao concello novo facultativo director da obra.
 - En todos os casos disporase, a pé de obra, de copia autorizada da licenza municipal e do proxecto.
 - Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública. Escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.
 - Ao remate das obras o propietario porao en coñecemento do Concello co certificado final de obra visado e asinado polos técnicos directores da obra. Non se concederá alta definitiva nos servizos municipais mentres non se teña obtido a pertinente licenza de primeira ocupación.
 - Colocarase o cartel indicador de obra nun lugar visible dende o exterior.

- As sinaladas no informe da asesora xurídica de urbanismo:

Antes do inicio das obras:

- Presentarase aval ou fianza pola cantidade de mil novecentos oitenta euros (1.980,00 €) como garantía da reposición de danos na vía, conexión a servizos e correcta execución do fronte.

Na execución das obras:

- Haberá un valo de protección de ao menos dous metros de altura, constituído por materiais que ofrezan seguridade, conservación e bo aspecto, situado á distancia que sinalen os servizos técnicos de urbanismo do Concello. En calquera caso permitírase o paso de peóns. No caso de que, por imposibilidade manifesta, non se poda deixar libre a zona de beirarrúa, instalárase una nova con materiais resistentes, co piso elevado do pavimento existente, cunha rampla de acceso e baixada, varandas de protección, viseira pola parte superior e sinalización lumínica e visual en ámbolos dous extremos que garantan a seguridade dos peóns. Poñeranse luces de sinalización en cada ángulo do valo. A instalación é provisional durante o tempo que duren as obras, debéndose suprimir e deixar a beirarrúa libre e en condicións no caso de paralización destas por un período superior a seis meses.
- Os condutores de camións e os responsables das obras deberán coidar de que as rodas dos mesmos estean limpas de barro antes de acceder a vía pública, así como que a citada vía quede limpa. Así mesmo deberán adoptar as medidas pertinentes relativas a seguridade vial previstas nas normas de circulación e aquelas que no seu caso lle foran ordenadas polos axentes da autoridade.
- Terase a disposición do persoal do Concello exemplares dos planos selados e aprobados, así como da licenza expedida.

Terceiro.- Aprobar a liquidación provisional do imposto sobre construcións, instalacións e obras, que ascende á cantidade de dous mil cento corenta e tres con dezaseis euros (2.143,16 euros).

PUNTO SEXTO.- ADXUDICACIÓN DO PROCEDEMENTO NEGOCIADO SEN PUBLICIDADE DAS OBRAS DE REPARACIÓN RÚA DO PEDREGAL A ROTONDA POETA DA MAÍA

(BERTAMIRÁNS)” INCLUÍDA NO DTC 93.-

A Xunta de Goberno Local, en sesión do día 9 de abril de 2015, realizou a clasificación de ofertas e requirimento de presentación de documentación do procedemento negociado sen publicidade que se segue para a contratación das obras de “REPARACIÓN RÚA DO PEDREGAL A ROTONDA POETA DA MAÍA (BERTAMIRÁNS)” INCLUÍDAS NO DTC 93.

O devandito acordo de clasificación de ofertas e requirimento de documentación foi notificado ao licitador clasificado en primeiro lugar.

Unha vez presentada polo clasificado en primeiro lugar a documentación establecida no artigo 151 do Texto refundido da Lei de contratos do sector público, resulta procedente adxudicar a devandita obra.

Visto o que antecede, a Xunta de Goberno Local, por unanimidade dos seus membros presentes, previa delegación da Alcaldía (decreto 751/2011), adopta os seguintes acordos:

Primeiro.- Adxudicar a realización da obra de reparación rúa XXX á rotonda XXX (Bertamiráns)” incluída no DTC 93, á empresa EMPRESA con CIF XXX, e nas seguintes condicións:

A.- Prezo: O importe da oferta do dito licitador ascende á contía de trinta e sete mil seiscientos euros (37.600,00.- Euros), sen IVE.

B.- IVE repercutible: A contía do IVE repercutible ao tipo do 21% ascende a contía de sete mil oitocentos noventa e seis euros (7.896,00.- €),

C. Prazo de execución: O prazo de execución do contrato será de 6 meses, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

D.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como no proxecto técnico aprobado no pleno da corporación de data 13 de maio de 2014 e coa proposición formulada pola empresa adxudicataria.

Segundo.- Facultar ao Sr. Alcalde para cantas actuacións de trámite sexan precisas para a mellor execución do acordado.

PUNTO SÉTIMO.- ADXUDICACIÓN DO PROCEDEMENTO ABERTO PARA A ADXUDICACIÓN DA SUBMINISTRACIÓN DE COMBUSTIBLE PARA OS VEHÍCULOS E MAQUINARIA DO CONCELLO DE AMES.-

A Xunta de Goberno Local, en sesión do día 5 de marzo de 2015, realizou a clasificación de ofertas e requirimento de presentación de documentación do procedemento aberto que se segue para a contratación do subministro de “combustible para os vehículos e maquinaria do Concello de Ames”.

O devandito acordo de clasificación de ofertas e requirimento de documentación foi notificado ao licitador clasificado en primeiro lugar.

Unha vez presentada polo clasificado en primeiro lugar a documentación establecida no artigo 151 do Texto refundido da Lei de contratos do sector público, resulta procedente adxudicar a devandito subministro.

Visto o que antecede, a Xunta de Goberno Local, por unanimidade dos seus membros presentes, previa delegación da Alcaldía (decreto 751/2011), adopta os seguintes acordos:

Primeiro.- Adxudicar a realización do subministro de “combustible para os vehículos e maquinaria do Concello de Ames”. á empresa EMPRESA solicitante con CIF XXX, e nas seguintes condicións:

A.- Prezo: O importe da oferta do antedito licitador ascende ao seguinte prezo

Gasóleo A unha 7,500 % de desconto sobre os prezos medios de carburantes e combustibles da provincia da Coruña do mes correspondente publicados na páxina do Ministerio de Industria, Enerxía e Turismo, de venda ó público

Gasolina sen chumbo 95 unha 4,000 %de desconto sobre os prezos medios de carburantes e combustibles da provincia da Coruña do mes correspondente publicados na páxina do Ministerio de Industria, Enerxía e Turismo, de venda ó público, así como no resto da condicións establecidas no prego e na oferta presentada pola empresa adxudicataria

B. Duración do contrato: o Contrato terá unha duración máxima de execución de dous anos a contar dende a data de formalización do contrato, podendo prorrogarse por un ano máis ata alcanzar un total de tres anos, por mutuo acordo das partes antes da finalización do prazo inicial.

C.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares e de prescricións técnicas polo que se rexeu o procedemento, así como coa proposición formulada.

Segundo.- Facultar ao Sr. Alcalde para cantas actuacións de trámite sexan precisas para a mellor execución do acordado.

E non habendo máis asuntos que tratar levántase a sesión ás catorce horas e quince minutos, estendéndose a presente acta que asina o señor presidente, do que certifico.